

Handlingsplan for perioden 2023 - 2025

med arbeidsplan for 2023



Vi inviterer til friluftsliv!

Innhald:

Generelt om handlings- og arbeidsplanen	3
Styret, dagleg leiar og administrasjonen sitt arbeid	4
Aktivitetsarbeid	5
Aktivitet i skule og barnehage/læring i friluft	5
Utstyrsbasen til friluftsrådet	6
Aktivitet i fritida - for barn, ungdom, vaksne og familiar	7
StikkUT! og andre turruter	8
Stikk UT!	8
Merking/skilting og turkort	9
Kommunale planar for friluftslivet sine ferdselsårer	9
Sikring, forvaltning og tilrettelegging av friluftsområde	10
Statleg sikring og forvaltningsplanar	10
Prosjektsøknader tiltak	10
Skjøtsel og drift gjennom året	10
Arbeid mot marin forsøpling	11
Skjergardstenesta i Møre og R. og oppdrag frå Sunnmøre friluftsråd	12
Vedlegg - prosjektlister 2023	13

Generelt om handlings- og arbeidsplanen

Handlingsplanen for Sunnmøre friluftsråd (KO) skal bidra til formålet til friluftsrådet og peike ut konkrete satsingar og tiltak dei næraste åra for å oppnå dette.

«Folkehelse er fundamentet i alt Sunnmøre friluftsråd (KO) gjer. Vi skal, i samarbeid med deltakarkommunane, andre offentlege styresmakter, organisasjonar og frivillige, fremje allsidig og miljøvennleg friluftsliv i regionen. Vi skal stimulere til friluftsliv til beste for trivsel og helse for alle og skape større forståing for nytten av friluftsliv.»
(Samarbeidsavtala §3 Formål)

Øvste organ i Sunnmøre friluftsråd (KO) er deltakarkommunane i representantskapet. Mellom representantskapsmøta er det styret som styrer verksemda. Dagleg leiar og administrasjonen på 9 faste tilsette + innleigde står for dagleg drift, prosjektleiing, aktivitet og rådgjeving innan friluftsliv. Handlingsplanen og årleg arbeidsplan set rammene for ressursbruk og fokus i styret og administrasjonen i perioden. Årsmeldinga rapporterer gjennomføringa av arbeidsplanen for året.

Friluftsrådet arbeider for eit naturvennleg, berekraftig og lite utstyrskrevjande friluftsliv for alle. Friluftsrådet har ansvar for å bidra til FNs berekraftsmål (verdass felles plan for å utrydde fattigdom, kjempe mot ulikskap og stoppe klimaendringane innan 2030) – [lenke til Friluftslivets bærekraftplakat](#). Mange av arbeidsoppgåvene i friluftsrådet høyrer naturleg heime under eitt eller fleire av måla.



Dette dokumentet er ein treårig handlingsplan som viser gjennomgåande ansvar, oppgåver og prioriteringar og utviklingsområde over fleire år. Dokumentet er også ein årleg arbeidsplan med konkrete tiltak som skal gjennomførast dette året.

Styret, dagleg leiar og administrasjonen sitt arbeid



Friluftsrådet skal prioritere samarbeidet med deltakarkommunane, lokale lag, organisasjonar og frivillige, fylkeskommunen, dei andre interkommunale friluftsråda (spesielt Friluftsrådet Nordmøre og Romsdal), Friluftsrådenes Landsforbund og Miljødirektoratet.

I tillegg skal vi aktivt søkje midlar og samarbeid med Rydd Norge, sparebankar, fondstiftingar og organisasjonar og som gir økonomisk støtte, og andre aktuelle samarbeidspartar, sponsorar og bidragsytarar.

Samarbeidet med dei andre friluftsansesjonane i fylket skal halde fram gjennom aktiv deltaking i "Forum for Natur og Friluftsliv" (FNF).

Administrasjonen i friluftsrådet skal fungere som kompetansesenter for friluftsliv for deltakarkommunane og andre samarbeidspartar, og vere ein pådrivar og ein høyringsinstans i viktige saker for friluftslivet.

Det skal gjennomførast styremøte og representantskapsmøte som omtalt i samarbeidsavtalen.

Friluftsrådet må halde fram med å vere synleg i media og i sosiale media, og prioritere profilering av friluftsrådet på utstyr, bygg, bilar osb.

Styret og dei tilsette i friluftsrådet må gjere seg kjende med kommunar vi har ansvar i. Nye medlemskommunar skal få god informasjon og bli inkludert i friluftsarbeidet.

I løpet av perioden skal alle deltakarkommunane få tilbod om ein presentasjon av friluftsrådet i kommunestyre eller formannskap.

Prioriterte tiltak i 2023

- Gjennomføre fire styremøte og representantskapsmøte
- Førebu friluftsrådet sitt 50-års jubileum i 2024

Internt:

- Etablere seg i ny kontorlokasjon på Skodje
- Fornye nettsidene og digitale arbeidsverktøy
- Prioritere økonomistyring av prosjekt m.a. gjennom kvartalsvise oppfølgingsmøter
- Auke medfinansiering av prosjekt gjennom sponsorstøtte m.v.
- Fullføre revidering av arbeidsreglement, stillingsbeskrivelsar og lønnspolitikk

Aktivitetsarbeid



Aktivitetsarbeidet til friluftsrådet skal stimulere til meir friluftslivsaktivitet gjennom informasjon, opplæring og tilbod om aktivitetar ute i friluft for alle aldersgrupper. Planar for aktivitetsarbeidet kan delast inn i fleire område vist under. Generelt vil friluftsrådet utvikle seg i retning av å utvide tilbod til unge og vaksne gjennom kurs og opplæring for auka friluftsliv i medlemskommunane.

NB! Prioriterte tiltak innan aktivitetsområda vist under vert oppdaterte etter vi veit kva søknader friluftsrådet får tilslag på i 2023. Det kan også kome til nye prosjekt gjennom året dersom det vert utlyst ekstramidlar.

Aktivitet i skule og barnehage/læring i friluft

Friluftsrådet skal legge til rette for fysisk aktivitet for barn og unge (samarbeidsavtalen §3). Dette er både i samband med undervisning i skule og barnehage, og aktivitetstilbod i fritida (neste kapittel). Aktivitet vil tilbyr skulane skal vere i samanheng med fagfornyninga.

«Læring i friluft» er friluftsråda si nasjonale satsing på å medvite bruke natur og nærmiljø som undervisningsstad/skule. Målet er meir og betre undervisning utanfor klasserommet. Medviten bruk av nærmiljøet i undervisning har friluftsråda satsa på gjennom «Stedsbasert læring». Sunnmøre friluftsråd held kurs for pedagogisk personale, har opplegg direkte for barn og pedagogar, og lagar tips og formidlar idear på ulike emne eller undervisningsopplegg.

Prosjekt i grunnskulen «Slå på ringen - å kjenne gleden av rørsle, i lag, ute»: Dette er ei vidareutvikling av Leikepatruljen og primært retta mot barneskulane. Prosjektet har som mål å inspirere både små og store til variert leik og rørsle ute. Prosjektet består av inspirasjonssamlingar for elevar i barneskular (Leikepatruljen). I tillegg blir det kurs for dei tilsette i skulen med leik, rørsle, og kreativitet ute som tema (Prøvekaninane). Det tredje elementet i prosjektet er ein digital leikebank der skulane og andre kan hente inspirasjon (Digitalt Digg).

Kajakk i skulen/kajakknettverk: Sunnmøre friluftsråd har etablert eit kajakknettverk av lærarar. Friluftsrådet kursar desse (grunnkurs, teknikkurs, aktivitetsleiarkurs, livredningskurs) til å bli sertifiserte etter standard i padleforbundet/våttkort. Læring i friluft/stadbasert læring er ein del av kursinga slik at lærarane samtidig kan drive gode stadbaserte undervisningsopplegg. Målet er at dei sertifiserte lærarane kan gjennomføre kajakkaktivitet med stadbasert læring for elevgrupper på skulane.

Prosjekt i vaksenopplæringa for innvandrar «Naturen som eg er ein del av»: Friluftsrådet samarbeider med fleire vaksenopplæringssenter på Sunnmøre om utvikling av praktiske metodar som kombinerer språkopplæring og praktisk innføring i enkelt friluftsliv for personar med innvandrarbakgrunn. Hensikta er å lette integrering og språkopplæring gjennom aktivitet og meistring. Deltaking i friluftsliv bidreg til betre integrering og styrker psykisk og fysisk helse. Friluftsrådet introduserer elevane mangfaldet av turar i nærområdet og aktivitetar som er gratis og tilgjengelege for alle. Friluftsrådet har gjennomført prosjektet for vaksenopplæringa i Ålesund sidan 2019, i Sykkylven i 2021, i Ørsta i 2022 og vil vidareføre satsinga og utvide denne til fleire kommunar i planperioden.

Prioriterte tiltak i 2023

- Vidareføre og utvikle prosjektet «*Slå på ringen*» og gjennomføre kurs for tilsette i barneskulen og inspirasjonssamlingar for elevar i alle kommunane på Sunnmøre
- Utvide prosjektet «*Naturen som eg er ein del av*» (vaksenopplæringa) til ein ny kommune
- Gjennomføre fleire kurs for lærarar i kajakknettverket/sertifisering – satsing 2023
- Tilby kurs i utandørs livredning og utesymjing, og godkjenning av utandørs livredningsprøve

Utstyrbasen til friluftsrådet

Friluftsrådet har utstyr til utlån til skular og lag/organisasjonar (ikkje enkeltpersonar). Utstyrbasen skal fremje moglegheita for meir friluftsliv for alle, utlånet er gratis.

I løpet av perioden skal friluftsrådet gjere ei heilskapleg vurdering av kva utstyr friluftsrådet treng til eige bruk, og gi vekk overskotsmateriale til registrerte utstyrbasar i medlemskommunane. Dette betyr at vi på lengre sikt truleg vil slutte med utlån med unntak av kajakkhengarane til skular. Drift av utstyrbase er dyrt og tidkrevjande og friluftsrådet får ikkje prosjektstøtte til dette. Den viktigaste årsaka er likevel at det no finst fleire utlånsbasar av liknande friluftsutstyr som er lettare tilgjengeleg for brukarane, og som også har kapasitet til å låne ut til enkeltpersonar (eksempelvis Skattekontoret, Bua, Sportsbiblioteket osv.)

Prioriterte tiltak i 2023

- Starte vurderinga av kva utstyr friluftsrådet treng til eige bruk
- Vidareføre avtalen om utleige av robåtar i samarbeid med Sunnmøre Museum
- Utvikle eit betre system for utlån av kajakk til skulane og frivillige lag og organisasjonar.

Aktivitet i fritida - for barn, ungdom, vaksne og familiar

Friluftsskular og ferieaktivitet: Sunnmøre friluftsråd tilbyr årlege friluftsskular i starten av sommarferien for barn i alderen 10-13 år. Tema er allemannsretten, leir/bål og kart/kompass. Friluftsrådet tilbyr også opne aktivitetsarrangement i vinterferien og haustferien. Dette er lågterskeltilbod om ein sosial, aktiv møttestad ute med enkle friluftssaktivitetar eller frileik i attraktive nærområde der borna bur. I haustferien inviterer vi lokale SFO til å bli med. Padlefestival UNG er også eit tilbod i fritida for ungdom.

Naturmøteplass: Sunnmøre friluftsråd initierer naturmøteplassar som vert drifta av frivillige i medlemskommunane. Dette er faste møttestadar/turmål ved ein gapahuk eller liknande der ein blir møtt med bålkaffi eller annan varm drikke, ein gong i veka. Dette er eit lågterskeltilbod for personar som har høve til å gå tur på dagtid. Målet er minst ti naturmøteplassar på Sunnmøre.

Turkalendar for Sunnmøre (Naturlosavis): Friluftsrådet har tidlegare gitt ut gratisavis med oversikt over alle opne turar og arrangement på Sunnmøre som vert leia av ein turansvarleg. Denne vert no digital, og vi kallar det for felles turkalender for Sunnmøre.

Friluftslivets veke/arrangement: Sunnmøre friluftsråd vil markere og synleggjere friluftslivets veke, og elles gi eit spennande tilbod til barnefamiliar og andre med spennande og lærerike aktivitetar i friluft i perioden.

Prioriterte tiltak i 2023

- Tilby friluftsskule 4 stader på Sunnmøre i sommar.
- Arrangere vinterferietidbod for ungdom i samarbeid med studentar frå Høgskulen i Volda
- Gi tilbod til ungdom om introduksjonskurs/innføring i kajakk gjennom Padlefestival UNG
- Arbeide for å få etablert Naturmøteplassen i to fleire deltakarkommunar
- Gi ut digital Turkalender for Sunnmøre 2023 (friluftsrådet koordinerer felles turkalender)
- Gjennomføre arrangement i Friluftslivets veke i september

StikkUT! og andre turruter



Stikk UT!

[Stikk UT!](#) er den mest populære turtrimmen i landet, som motiverer fleire innbyggjarar til å gå turar. Friluftsrådet i Nordmøre og Romsdal og Sunnmøre friluftsråd har inngått partnerskapsavtale for utvikling og drift av turtrimmen, med både sommar- og vintersesong. Prosjektet har ei eiga nettside stikkut.no.



Stikk UT!-turmåla er merka turløyper til etablerte turstadar i alle medlemskommunane i Møre og Romsdal. Turane er fargekoda ut frå vanskegrad.

Før sesongstart (sommar) blir det kvart år utarbeidd ein kartbrosjyre der alle turmåla er sett inn på kart. Dette blir distribuert gratis til alle husstandane i deltakarkommunane.

Frå 2021 vart det teke i bruk ein eigen app, der turgåarar kan registrere turane dei går.

Svært mange frivillege rundt om i medlemskommunane gjer eit uvurderleg arbeid med skilting, merking, ryddinga av råser, løypekøyring på vinteren og utsetting av kodar. Utan desse ville ikkje turtrimmen vore mogleg å gjennomføre.

Sunnmøre friluftsråd skal vidareføre og vidareutvikle Stikk UT! både sommar og vinter i samarbeid med FNR og medlemskommunane. I planperioden skal dei to friluftsråda gjennomføre ei totalevaluering av StikkUT! Møre og Romsdal for å oppnå langsiktig økonomisk berevne i drift og utvikling. Styret vert involvert i retningsval for framtida.

Prioriterte tiltak i 2023

- Aktivt jobbe for å auke inntektene til Stikk UT! ved:
 - å motivere fleire arbeidsplassar til å bli med i Stikk UT! Bedrift
 - å etablere fleire sponsorinntekter m.a. gjennom logo i app, saman med Nordmøre og Romsdal (hovudsponsor, kartsponsor og andre sponsoravtalar)
- Gjennomføre sommarsesongen av Stikk UT! med ca. 280 turar på Sunnmøre
- Auke talet på turar i Stikk UT! Ski (og eventuelt Stikk UT! Vinterfottur)
- Revidere strategiplan for StikkUT! 2020-25
- Lansere StikkUT-fondet

NB! Strategiplan for StikkUT! Møre og Romsdal 2020-2025 har eigen tiltaksplan som Sunnmøre friluftsråd er ein del av.

Merking/skilting og turkort

[Turkortbasen til friluftsrådet](#) viser enkle nærturar i deltakarkommunane våre. Dette er turar for dei aller fleste og gi informasjon om dei nære naturperlene. Turkorta er også samla i eit turkorthefte som vert trykt opp og delt ut i kommunane/er til sals i nettbutikken. Turkortbasen skal marknadsførast i perioden.

Friluftsrådet skal vidare bidra til **kystfriluftsliv** gjennom opplæring, kartlegging av padleruter/turregistrering og merking, mellom anna registrere interessepunkt som parkering og utsetting av kajakk.

Merking og skilting både fram til friluftsområde og av stiar/turvegar er viktig for brukarane. I planperioden skal friluftsrådet ta initiativ til fellesprosjekt for dette saman med kommunane.

Prioriterte tiltak i 2023

- Registrere og oppdatere turkortbasen til friluftsrådet og med turar og interessepunkt i morotur.no
- Kajakk: Registrering av parkering/utsetting av kajakk, interessepunkt i og starte arbeidet med padleleder (synfare, registrere og kartlegge nye potensielle ruter)
- Sette ut informasjonstavler i fleire friluftsområde
- Nye internettsider til Sunnmøre friluftsråd skal prioritere fagleg rettleiing om stibygging og om korleis frivillige kan søke midlar

Kommunale planar for friluftslivet sine ferdselsårer

Stiar, turvegar, løyper og leder er avgjerande for utøving av friluftsliv, og vert kalla friluftslivets ferdselsårer. *Stortingsmeld. 18 (2015-2016) Friluftsliv – Natur som kjelde til helse og livskvalitet* er grunnlaget for [ei nasjonal satsing på friluftslivets ferdselsårer, leia av Miljødirektoratet](#). I perioden 2020-23 leiar fylkeskommunen prosjektet «*Friluftslivets ferdselsårer Møre og Romsdal*». Sunnmøre friluftsråd og Friluftsrådet Nordmøre og Romsdal deltek i prosjektet og skal der i gjennom bistå i kommunal planlegging for betre tilrettelegging for friluftsliv. Fylkeskommunen har også ein stor database med ca. 2000 GPS-spora turruter i [morotur.no](#). Gode kommunale planar for friluftslivets ferdselsårer er med på å identifisere, ivareta og utvikle ferdselsårene. Planane vil òg vere viktig kunnskap for å ivareta friluftsliv i anna arealplanlegging, og samtidig vere ein plan for korleis ferdselsårene kan utviklast på ein berekraftig måte.

Det er så langt ni kommunar på Sunnmøre som har starta planarbeidet i 2021-2023.

Prioriterte tiltak i 2023

- Bistå kommunane Fjord, Giske, Hareid, Sykkylven, Stranda, Ulstein, Volda, Ørsta, Ålesund i fullføring av planarbeidet for friluftslivets ferdselsårer.
- Sørge for at tre nye kommunar melder seg på prosjektet i 2023 og innlemme desse i arbeidet, desse gjenstår: Sula, Herøy, Vanylven, Sande, Vestnes
- Følge opp samarbeidsavtale med Møre og Romsdal fylkeskommune i prosjektet om å koordinere arbeidet saman med Friluftsrådet Nordmøre og Romsdal.

Sikring, forvaltning og tilrettelegging av friluftsområde



Friluftsrådet skal arbeide med sikring, tilrettelegging og drift av friluftsområde av ulike slag (samarbeidsavtalen §3).

Statleg sikring og forvaltningsplanar

Friluftsrådet skal vere ein pådrivar og følgje opp og hjelpe deltakarkommunane i arbeidet med statleg sikring av område for friluftsliv. Friluftsrådet skal vidare vere pådrivar for at deltakarkommunane i samarbeid med friluftsrådet utarbeider forvaltningsplanar for dei statleg sikra områda der det enno ikkje er gjort.

Prosjektsøknader tiltak

I nært samarbeid med deltakarkommunane, skal friluftsrådet følgje opp måla i forvaltningsplanane for dei statleg sikra friluftsområda, og søke om midlar til tilrettelegging.

Arbeidet med tilrettelegging er avhengig av positive svar på søknadane om tilskot. I samråd med dei nye deltakarkommunane skal det i perioden søkast om minst eitt tiltak i kvar av kommunane. Førsetnaden er at forvaltningsplanane er godkjende. Friluftsrådet skal vidare stimulere kommunane til å satse på tiltak i friluftsområda.

Skjøtsel og drift gjennom året

Friluftsrådet skal vidareføre skjøtsel og drift i dei områda vi har ansvar for i dag, og i tillegg innarbeide driftsrutinar for nye område som kjem til i løpet av perioden. Eksisterande samarbeidsavtalar om driftsoppgåver skal først vidare, og det skal vurderast om det er aktuelt med avtalar i nye område. Dette inneber drift eksisterande toalett vi har ansvar for.

Friluftsrådet skal aktivt bruke Skjergardstenesta i Møre og Romsdal i gjennomføring av prosjekt/tiltak og driftsarbeid og i sjøbaserte friluftsområde. Det vert elles vist til kapittelet om Skjergardstenesta.

Prioriterte tiltak i 2023

- Prioritere rådgiving til kommunane for å etablere fleire statleg sikra områder i 2024
- Generelt prioritere vegetasjonsrydding i friluftsområde som vi driftar
- Ferdigstille toalett og oppstart grussti på Hundsvær, Ålesund kommune
- Tiltak som fylkeskommunen har gitt støtte til i 2023 (sjå siste side):
 - Sula, Langevågsholmane friområde - reparasjon kai Brendholmen
 - Sula, Storholmen friområde - gapahuk/padlehuk
 - Ålesund, Skråvika friområde Ørskog - rydde skog
 - Ålesund, Stavsethneset friområde - sykkelsluse
 - Ålesund, Vikholmen friområde - fast grill bål plass

Arbeid mot marin forsøpling



Sunnmøre friluftsrådet skal jobbe for ei reinare fjøre. Vi koordinerer, legg til rette for frivillig og profesjonelt arbeid mot marin forsøpling (samarbeidsavtalen §3). Friluftsrådet har dei siste åra fått ein sentral posisjon i arbeidet mot marin forsøpling i regionen, og vi søker midlar frå Miljødirektoratet og andre kjelder for å halde fram og utvide dette arbeidet.

Gjennom å drifte nettverket «Marin forsøpling Møre og Romsdal» saman med Runde Miljøsenster og Friluftsrådet Nordmøre og Romsdal, er vi med på å halde oppe entusiasmen til dei frivillige ryddarane. Vi vil fortsette arbeidet med å initiere og koordinere ryddeaksjonar på Sunnmøre. Dette inneber m.a. å gi frivillige hanskar, sekkar og hente innsamla søppel.

Eit prioritert område for friluftsrådet er å auke samarbeidet med næringslivet og offentlege og private aktørar i arbeidet mot marin forsøpling.

Friluftsrådet skal aktivt bruke Skjergardstenesta i Møre og Romsdal i gjennomføring av ryddeaksjonar, særleg i vanskeleg tilgjengelege område.

I samsvar med søknad til Miljødirektoratet skal vi i 2023 prioritere:

Oppryddingstiltak:

- Aksjonar i samarbeid med lag, organisasjonar, skular og andre
- Rydde fuglereservat og vanskeleg tilgjengelege område
- Fokusere på rydding av fjordane i indre delar av Sunnmøre

Forebyggjande tiltak:

- Kartlegge område for marin forsøpling i indre delar av Sunnmøre
- Samarbeide med næringsaktørar for å stoppe tilførsel av marint avfall

Prosjektet Rydd Norge 2021-2023 er eit nasjonalt program for å rydde plastforsøpling frå ytre kystlinje i Noreg. Det overordna målet er at 40 % av ytre kyst skal vere rydda reint ein gong innan 2023. Programmet er eigd av Handelens Miljøfond, og gjennomførast i samråd med regionale aktørar i kvart fylke, her under Statsforvaltaren. Sunnmøre friluftsråd er av Rydd Norge tildelt rydding av område "Sunnmøre nord 3" i Møre og Romsdal frå nov. 2021 og ut 2023.

I dette området er det estimert at det er skal plukkast 100 tonn på kartfesta områder i prosjektperioden. Av Møre og Romsdal sitt kartfesta område på 40%, forvaltar Sunnmøre Friluftsråd omtrent 6,3% av dei med 312 km kystlinje. Det er i tillegg estimert med at ein skal kunne nytte inntil 8400 timar. Prosjektrekneskapet er avgrensa opp til 6,6 mill. (eks. mva.). Det er likevel mogleg å søke om ytterlegare midlar om ein treng meir for å gjennomføre rydding i det planlagde området, innanfor prosjektperioden.

Rydd ytre kyst prioriterte tiltak 2023:

- Gjennomføre rydding i kartfesta områder i samsvar med framdriftsplanen. Dette inneber rydding av halvparten av estimerte timar og km kystlinje.
- Prioritere å få rydda ein del vèutsatte holmar og skjer i "finversperiodar".

Skjergardstenesta i Møre og R. og oppdrag frå Sunnmøre friluftsråd



Gjennom skjergardstenesta skal friluftsrådet gjere sjøbaserte friluftslivsområde attraktive og tilgjengelege (samarbeidsavtalen §3). Skjærgårdstjenesten Møre og Romsdal vart etablert i 2018 og blir drifta av Sunnmøre friluftsråd. Møre og Romsdal er driftsområde 8 i den nasjonale skjergardstenesta. Friluftsrådet skal vidareutvikle tenesta i samarbeid med Friluftsrådet Nordmøre og Romsdal, fylkeskommunen, statsforvaltaren og Miljødirektoratet. Skjergardstenesta dekker heile fylket og har eigen samarbeidsavtale, driftsstyre, årsrapport, årsplan og budsjett. Hovudmålet for Skjergardstenesta i Møre og Romsdal er å ivareta naturmangfaldet, og auke forståinga blant folk om verdien av dette. Oppgåvene er miljøvennleg tilrettelegging, drift og skjøtsel av statleg sikra sjøbaserte friluftsområde, og kampen mot marin forsøpling. Vi kan dele oppgåvene inn i fem hovudpunkt, jf. årsplanen til Skjergardstenesta:

- «Drifte og vedlikeholde allerede etablerte installasjoner på sjønære, offentlig eide eller statlig sikra friområde i Møre og R. for å tilrettelegge for fine opplevelser i naturen.
- Oppgradere og forbedre eksisterende områder etter bestilling fra de to friluftsrådene i fylket. Dette med bakgrunn i at de to friluftsrådene søker midler til dette etter medlemskommunenes forvaltningsplaner og ønsker.
- Etablere nye brygger og tilrettelegge på nye friareal etter statlig sikring.
- Etablere kontakt og samarbeid med Statens Natur Oppsyn (SNO), lage rutiner og samkjøre oppdrag for synergieffekter.
- Være en aktiv ressurs i kampen mot marin forsøpling, ta ansvar for rydding av statlig sikrede områder, men også være en utøvende funksjon for de to friluftsrådene i fylket som deres operative enhet til strandrydding i hele fylket.»

Friluftsrådet har visjon om å kjøpe ny båt, og set av fondsmidler til dette i planperioden.

Prioriterte tiltak i 2023

Punkta er utdrag frå årsplanen til Skjergardstenesta i Møre og Romsdal:

- Utvikle og forankre tenesta i medlemskommunane til begge friluftsråda i fylket
- Tilpasse dokumentasjon og sertifikat på båtar og mannskap etter nye krav (fartøyinstruks, 12 pax jf. Sjøfartsdirektoratet.no m.v.)
- Jobbe vidare med spesifikasjon og finansiering av bygging av ein ny båt

Oppdrag frå Sunnmøre friluftsråd:

- Oppdrag frå Sunnmøre friluftsråd v/prosjekt innan marin forsøpling
- Oppretthalde og vidareføre drift av eksisterande sjønære driftsområde
 - brygger, bygningar og badebøyer m.v. og vegetasjonspleie
- Utvide fast driftsrunde på Sunnmøre som tek inn sjønære statleg sikra friluftsområde i fleire kommunar
- I samarbeid med avd. drift og avd. aktivitet etablere mindre installasjonar for hengekøyeovernatting/padling i Ellingsøyfjorden.

Oppdrag til skjergardstenesta for Friluftsrådet Nordmøre og Romsdal vert omtalt i deira arbeidsplanar

Vedlegg - prosjektlister 2023

Prosjektlister 2023 med delfinansiering gjennom søknader til Friluftsrådernes landsforbund (FL), Møre og Romsdal fylkeskommune (FK), Miljødirektoratet (MD), Handelens Miljøfond (HMF) og andre private bidragsytarar.

Prosjekt 2023		Økonomisk støtte	Finansiering stad
Avd. 20 Drift - søkt 2023:			
Sula, Langevågsholmane Reparasjon kai (innvilga)		219 000	FK
Sula, Storholmen friområde Gapahuk/padlehuk (innvilga)		205 000	FK
Ålesund, Skråvika friområde Ørskog Rydde skog (innvilga)		49 000	FK
Ålesund, Stavsethneset friområde Sykkelsluse (innvilga)		24 000	FK
Ålesund, Vikholmen friområde Fast grill bålplass (innvilga)		61 000	FK
Avd. 20 Drift sum		558 000	
Avd. 30 Aktivitet - søkt/innvilga 2023:			
Aktivitet i skule/bhg Læring i friluft	Slå på ringen – aktivitetsprosjekt	600 000 + 600 000 250 000 + 20 000 SUM = 1 470 000	SBM, Gjensidigestift. MR Røde kors, Lions
	Personar med innvandrarbakgrunn (innvilga)	230 000	FL
	Læring i friluft - Kajakk i skulen (innvilga)	120 000	FL
	Utandørs livredning i skulen		Sal kurs/evt. sponsor
Aktivitet i fritida	Naturmøteplassen (innvilga)	115 000	FL
	Turkalender for Sunnmøre (digital avis) (innvilga)	150 000	FL
	Vinterferie ungdom (innvilga)	120 000	FL
	Friluftsskular (innvilga)	105 000 + 80 000	FL + FK
	Padlefestival UNG (innvilga)	70 000	FL
	KomUT! Aktivitet i fritid for barn og unge (innvilg)	54 000	FK
	Friluftslivets veke - aktivitetsdagar med turar	50 000	FK
Stikk UT	Stikk UT! (direkte til Sunnmøre, støtte til StikkUT Møre og Romsdal er ikkje med i vårt budsjett)	150 000 100 000 + 400 000 400 000 SUM = 1 050 000	FL Wattn + Sponsorar app + Bedriftspakkar
	Friluftslivets ferdselsårer (innvilga)	300 000	FK
Tursti m.m.	Padle- og roled Ellingsøyfjord og Sula (innvilga)	50 000	FL
	Turkort (innvilga)	40 000	FL
			FK
Avd. 30 Aktivitet sum		4 004 000	
Avd. 40 Skjergardstenesta – søkt/innvilga 2023:			
Driftstilskot frå Miljødirektoratet (innvilga)		1 450 000	MD
Driftstilskot frå fylkeskommunen (innvilga)		700 000	FK
Driftstilskot frå Sunnmøre friluftsråd og F. Nordmøre R. (innv.)		600 000 + 200 000	friluftsråda
Andre driftsinntekter innleie og tilskot		1 360 000	friluftsråda, MD
Avd. 40 Skjergardstenesta		4 310 000	
Avd. 50 Marin forsøpling – søkt/innvilga 2023:			
Marin forsøpling med frivillige (innvilga)		476 000	HMF
Marin forsøpling (innvilga)		200 000 + 1 400 000	MD/MARFO
Rydd ytre kyst Sunnmøre nord (toårig, er innvilga)		3 297 600	HMF/Rydd Norge
Avd. 50 Marin forsøpling sum		5 373 600	
Avd. 10 Administrasjon – tilskot 2023:			
Medlemskontingent (bekrefta)		3 191 200	Eigarkommunane
Administrasjonstilskot frå FL (bekrefta)		698 600	FL
Driftstilskot frå MRFK		300 000	FK
Andre driftsinntekter interntoverføring m.v.		230 000	
Avd. 10 Administrasjon sum		4 419 800	